

MUMPIAII DIAZPHIACOPOE  
MELITATI DIAZPHIACOPOE

BEATIS MANIBUS  
NOBILISSIMI, ERUDISSIMI & VENIENTI  
DOMINI,  
**DN. JOHANNIS  
CZIMMER-  
MANNI,**  
SECRETARI THORUN. MERITISSIMI  
AGNATI SUI ÆSTIMATISSIMI,  
IPSA FUNERATIONIS DIE,  
*QVÆ ERAT 17. Febr. A. M. DCCVII.*  
LUBENTI QVIDEM SED LUGENTI CALAMO  
PARENTARE VOLUIT  
**GEORG HENR. CZIMMERMANN,**  
THOR.

---

THORUNII,

Imprimebat Johannes Conradus Rügerus, Nobiliss. Senatus & Gymnasi Typographus.

ΠΡΟΣΦΩΝΗΣΙΣ ΑΔ ΝΟΒΙΛΙΣΣΙΜΟΥ  
DEFUNCTI PARENTΕΜ.



Vam Naturam matrem venerari, eandem quoq; novercam sæpe numero detestari evenit, VIR MAGNIFICE. Dum ex ipsis triumphis debile hominum genus, in deplorandum dejicit miseriarum pelagum; ut quem pridem mortalium in nitidissimo mirari florilicuerit, huic mox lugentissimis ingemiscere næniis & funestissima parentare Catastrophe, haud in consulta deposcat æqvitas; cuius tropæa Solis surgentis instar demum conspi ci cœperunt, hujus jam exiguo loculo cada ver conclusum ebullientibus undiqvaqve lacrymis funerentur. Eqvidem tædet fari nefarium mortis audaciæ scelus, tam procaci impetu in NOBILISSIMO TUO FILIO admissum, qvæ dum fronte caret, nec ad tanta sævitiæ suæ crimina erubescere potuit. Cœcum illius procul dubio imperium, cum, qvod vel in ejusdem pectus sævum detorserit spiculum, cuius vertex laurea adhuc redimendus erat, tum forsan, qvod verita fuerit, ne vehemens lugentium commiseratio duras illius atrocitatis leges uspiam emolliret. Haud inficias eo, VIR NOBILISSIME, nunquam sine gemitu perditi commemorationem esse, cuius Tibi semper amata fuit possessio, imo

tragi-

tragicam potius tantæ calamitatis existere  
pronunciationem, qvod non animum solum  
tuum, sed urbis totius viscera svavissima sui  
exhilarabat recordatione. Et dum publica  
qvoqve Observantia lamentabili complora-  
tione suos funestat affectus, diruitqve gratæ  
mentis arcus, qvos olim dextræ lætitiae testes  
in BEATUM prolixissimo excitavit affectu,  
non mirum, qvod & hæc ante aetæ felicita-  
tis recordatio tanto acrius mentem tuam ex-  
ulceret, in animiqve penetralia crudeliter  
desæviat, qvanto deliciosior unicæ Tuæ, non  
dicam Spei, sed Gloriae fuerat præsentia. De-  
plorabis scilicet, GENEROSUM PECTUS,  
in unius Filii funere multorum orbitatem, in  
evulso corde, ademptam Tibi vitam, in amif-  
fa gemma, imminutum SANGVINIS preti-  
um, in extincto radio Solis publici qvandam  
Eclipsin, ut nullum proinde dubium, qvin  
desperatis his vocibus beatè defunctum com-  
pellas: *Aut nunquam nasci, aut nunquam*  
*mori debuisses.* Etenim non tanta doloris  
Tui esset acerbitas, si nunquam amare potuif-  
ses; sed qvo pronior animi in vivum fuit in-  
clinatio, tanto gravior ejus Tibi accidit ja-  
ctura; qvo dulcius Te possesus recreavit, eo  
crudelius torquet amissus. Verum prehen-  
de Lunam, MOESTISSIME AGNATE,  
qvo citius ab indelebili lacrymarum flumine

con-

conquiescas; hæc opacam suam molem Soli objiciens nullum sentit deliquium, nisi nos subtrahatæ solum lucis tenebras compensare oporteat. Qvando Roma olim extorrem fecerat Catonem, nullum quidem ipsius gloriæ damnum intulit, seipsum vero clarissimo tanti viri splendore privavit. Pari passu virtus eximia ambulat, cuius genuinus dum professor velamine mortis tegitur, non illi, sed urbi hæc clades deploranda. Satis quippe diuvixit, dum bene vixit, & gloriosius multo ipsi est sua virtute, quam dono temporis senuisse. Quo ergo citius corpus marcescit, eo citius ipsius effloret gloria, quæ, cum languoris insacia existat & expers mutabilitatis, vitam potius renovabit, quam unquam memoriâ labatur. Tu proinde, GENEROSE BEATI GENITOR, noli invidere suæ virtutis maturum immatura morte præmium, & quamvis exulceratæ mentis anxietatibus ingenuo remitte animo, ne, cum Tuis quoque consiliis Civitatis regatur incolumentas, adeò pendentibus curarum fluctibus,

*In queis consilium vitae regimènq; locatum est generosi animi vires debilitentur; sed clementissimum Numen, quam plurimos Soles BEATO ademptos munificentissima addat, addat, inquam liberalitate!*

os (o) se

113804